



BELIEVERS EASTERN CHURCH WORLD HEADQUARTERS

Office of the Metropolitan, St. Thomas Community, Kuttapuzha P. O., Thiruvalla - 689103 Kerala, India.

NIRIKGIPANI CHITTI

January/February 2025

Pilak angni Ka·sara Mesrang aro Rongtalgipa Mondolini Bebera·giparang

Gitel Jisu Kristoni ka·saani, ka·sachakani aro tom·tomani na·simang sakanti baksa ong·china. ✠.

Chongmotan, kallimani maniani karirangni somoi sokengon, an·chingni janggi silchirangko rongtalatna gita an·chingni Rongtalgipa Mondoli somoi salrangko tik ka·aha aro ian an·chingni Isolni namnikanio pangchakani ong·a. Ia karirangko manianiara, an·tangtango bamatani, kristoni ka·chakanichi gisikni gita kaaniko man·engaoni jakgitelaniko man·na aro an·chingni ka·tongrangko Gitel Jisuni Chakatpilaniko manina tarisoani ong·a (Easter).

Indake an·ching ia gisikni gita rongtala songreaniko dakengon, maikai na·simang orto gnanng kakket aro bebeo manina gita man·gen, anga na·simangni gisikni pagipa adita dakna nangarangko dakna gita ku·patianirangko ra·china gita didianiko dakenga.

1. Okumu chakani: Ia Dal·gipa kalimaniko maniani somoio okumu chakaniara an·tangni janggi tanganioni an·pile name janggi tangani ong·a aro an·tango rakiani ong·a. An·chingni Gitel Jisu kristo Matini sea nama katta Odai 4:17 agana; “Gisik pil·bo maina Salgini songnok sepangaha” Gisik pil·a ine aganon, an·tangni papko ui·mangmangani ong·ja, indiba chugimik an·tangni janggi tanganiko Isolona an·pilani ong·a aro Isolni ka·sachakani, rongtalaniko patianiko man·na gita do·gacholko oe on·aniba ong·a. Uni gimin hai an·ching namgipa togipa cha·anirangko jegale an·chingni gaora dakaniko, mikbokaoniko, ka·o nanganio, ka·a gapaoniko pilak Gitelni nikanio namgijarangoni an·pile Isol Jehovaona an·tangtango chapchap ong·atna.

2. Bi·aniko Bariatani: Hai an·ching Isolo bi·anichi pangnan an·tango Gitelo ong·atna.

- Pangnan Biani: Bi·jringaniko dakna gita bi·na nangarangko segate ra·bo.
- Liturgical Prayer: Mondolitango bi·jringaniko dakanio pangnan bakko ra·bo.
Jedakode uamang ia manianio su·uaniko cha·tote nikgen.
- Jisun bi·ani: Pangnan Jisun bi·aniko dakrongbo: “Gitel Jisu, Isolni Depante, anga papina ka·sachakbo.”

3. Ka·sae on·anirang: Ia dal·gipa kallimaniko manianiara dakchakaniko nangengiparangna dakchakani somoiba ong·a. Gitelni kattako Gisik ra·bo: “Jejerangko na·simang na·simangni jong adarangna daka, uan Angna daka” (Mati 25: 40).

a. Nang·ni man·aragoniko bak dakeming nang·ni gittimo kangal cha·a sienggiparangna dakchakbo.

b. Bimchipe pilak nang·ni mondolini dakna nangarango bakko ra·bo, jekai tangka paisa on·gilanio, somoiko aro changa sapanio.

c. Saa dinganiko man·enggiparangna nang·ni dakna man·a gita
dakchakaniko on·e uamangna ka·saaniko kamchi me·sokbo.

Gisik ra·bo, baditana na·a bi·chakanirangko daka aro pilak ka·sae on·anirangko dakengon, pilak
dakmajoaoni cheenganiko mesoka ato Tangchapil·gipaona sepangaani ong·a.

Kallimaniko dakaniara an·tangko bamataniona re·baanisan ong·ja indiba jinmanaba namgniko dakani ong·a.
An·chingara mondoli ge·sanni ong·a aro apsan ong·a, uni gimin hai an·ching sakantian Gitel Jisuko
daksningna; jedake Ua sal sotbrina pilak a·gilsaknirangko jegale a·gisio okumu chakaha.

Ia Dal·gipa kallimani maniani somoio jakkalna gita an·chingni mondolini gisikni pagipa sa·gipa Moran Mor
Athansius Yohan·ni sastro poraina aro poraina gita see donganggipa ki·tapko jakkalna gita gualnabe.

Ia kallimani karirango somoirangko jakkalani:

- An·tangko tariani, gisikni gita dal·roroani, saksa sakgipinrang baksa nangrimpilnirang
- An·tangni nama aro namgijagipa kamrangko name dake nipilani, aro na·a nang·ni je daggipa kam
bewalrango Isoloni ga·akahachim, uarangoni an·pilani
- An·tangni paprangoni an·pile Gitelni Miattamko ra·na bak ra·ani, Isolni ka·sachakanichi nang·ni
janggi silchiko rongtalatchina Isolo mol·molani.
- Nang·na ong·gijako daggipako kema ka·ani aro jerangan na·a ong·gijako dakaha uamango kema
bi·ani
- Isolni aro gipinrangni mikkango an·tangko bamatani
- Nangrimani donggijagiparangni gisepo donge nangrimgrikataniona kamko ka·bo.
- Kristo baksa beensan ong·e janggi tangbo.

Ia Dal·gipa kalimaniko dake okumu chake maniani somoio, jedakode Isolni bilakaniko man·gen, anga
na·simangna bi·chakna gita skenga; jedakode na·simang Uni namnikanio manina gita na·simang ui·aniko
man·gen aro Uni ge·etanirangko jarikna gita man·gen aro Uni ka·sachakani aro ka·saaniko man·gen.

Gisiksano Gisik Gittangipa; Pagipa Degipa aro Gisik Rongtalgipa, an·ching sakantiko pangnan uni
chotchanggija ka·saani aro ka·sachakanichi an·chingko pangnan dilchina aro pilak Rongtalgiparang Isolni
Singhasoni mikkango an·chingko chel·chakchina. ✠ Amen.

Na·simangni pagipani ka·sani aro bi·anirang baksa.



Moran Mor Samuel Theophilus Metropolitan

Date : 11 February 2025

Place : World Church Headquarters

P.S: Iako jat tangni ku·sikona pe·aniko dakchongmotchina aro pilak parishrango bebera·giparangko ka·dongatna
gita poraichina.